

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՕՐԵՆՔ

ԳԵՂԴԵԶԻԱԿԱՆ ԵՎ ՔԱՐՏԵԶԱԳՐԱԿԱՆ ԳՈՐԾՈՒՆԵՈՒԹՅԱՆ ՄԱՍԻՆ

ԳԼՈՒԽ 1.

ԸՆԴՀԱՆՈՒՐ ԴՐՈՒՅԹՆԵՐ

Հոդված 1. Օրենքի կարգավորման առարկան և նպատակը

1. Սույն օրենքը կարգավորում է Հայաստանի Հանրապետությունում գեղդեզիական, քարտեզագրական գործունեության իրականացման արդյունքում ծագող հարաբերությունները: Հայաստանի Հանրապետությունում բոլոր քարտեզագրական և գեղդեզիական աշխատանքները իրականացվում են սույն օրենքի համապատասխան:

2. Սույն օրենքի նպատակն է կարգավորել գեղդեզիական և քարտեզագրական գործունեության աշխատանքները, սահմանել գեղդեզիայի և քարտեզագրության բնագավառում պետական կառավարման, տեղական ինքնակառավարման մարմինների և այլ սուբյեկտների իրավասությունները, միջազգային համագործակցության, ինչպես նաև վեճերի լուծման կարգը և պատասխանատվությունը սույն օրենքի խախտման համար:

Հոդված 2. Օրենքում օգտագործվող հիմնական հասկացությունները.

1. Սույն օրենքում օգտագործվում են հետևյալ հիմնական հասկացությունները.

1) **գեղդեզիա՝** երկրագնդի ծանրաչափական դաշտի, Երկրի մակերևույթի և տարածական օբյեկտների կոորդինատների ու բարձունքային նիշերի, ինչպես նաև ժամանակի ընթացքում նշված կոորդինատների և բարձունքային նիշերի փոփոխությունները որոշելու գիտական, տեխնիկական, արդյունաբերական և այլ գործունեությունների ընթացքում ծագող հարաբերությունների ոլորտ.

2) գեոդեզիական և քարտեզագրական գործունեություն՝ գեոդեզիայի և քարտեզագրության բնագավառում գիտատեխնիկական, արտադրական, ծառայությունների մատուցման, տեղեկատվական համակարգերի օգտագործման և կառավարչական գործունեություն.

3) գեոդեզիական հիմնակետ՝ ինժեներական կառույց, որը տեղանքում ամրացված է երկրագնդի ֆիզիկական մակերևույթին որոշված կոորդինատներով և բացարձակ բարձրությունով.

4) գեոդեզիական ցանց՝ տեղանքում ամրացված գեոդեզիական հիմնակետերի ամրողություն, որոնց տեղադիրքը որոշված է նրանց համար ընդհանուր հանդիսացող գեոդեզիական կոորդինատային համակարգում.

5) ռեֆերենս կայանների ցանց՝ երկու և ավելի Զի Պի ԷՍ (GPS) կայաններից կազմված և հավասարակշոված ցանց, որը օգտագործվում է բացառապես այն ստեղծողի կարիքների համար.

6) պետական ռեֆերենս կայանների ցանց՝ Հայաստանի Հանրապետության տարածքում ստեղծված և պետության կողմից կառավարվող, երկու և ավելի Զի Պի ԷՍ (GPS) կայաններից կազմված և հավասարակշոված ցանց

7) գեոդեզիական և քարտեզագրական աշխատանքներ՝ գեոդեզիական, քարտեզագրական նյութերի ու տարածական տվյալների ստեղծման գործընթաց.

8) Երկրի հեռագննում տիեզերքից կատարված նկարահանումների միջոցով Երկրի մակերևույթի վերաբերյալ տվյալների ստացման գործընթաց.

9) կոորդինատային համակարգ՝ թվային մեծություններ, որոնց միջոցով հարթության, մակերևույթի վրա կամ տարածության մեջ որոշվում է կետի տեղադիրքը.

10) տեղական կոորդինատային համակարգ՝ Հայաստանի Հանրապետության վարչատարածքային միավորը չգերազանցող սահմանափակ տարածքի համար սահմանված պայմանական կոորդինատային համակարգ, որի կոորդինատների սկիզբը և կոորդինատային առանցքների կողմնորոշումը շեղված են պետական

միասնական կոորդինատային համակարգի նկատմամբ, որը կիրառվում է գեղեցիական և քարտեզագրական աշխատանքների իրականացման ժամանակ.

11) **մասշտաբ՝** համամասնություն, որը սահմանում (հաստատում) է հարաբերակցությունը քարտեզագրական պատկերում արտահայտված օբյեկտի գծային չափերի և բնության մեջ նրա իրական չափերի միջև.

12) **մասշտաբային շարք՝** Հայաստանի Հանրապետության համար ընդունված պետական մասշտաբային շարքի տեղագրական քարտեզների և հատակագծերի որոշակի մասշտաբների հատակ համակարգ.

13) **քարտեզագրություն՝** տարածական տվյալների, այդ թվում տեղեկատվական համակարգերի օգտագործման, ուսումնասիրության, ստեղծման, օգտագործման, վերափոխման և ցուցադրման համար գիտական, տեխնիկական, արդյունաբերական և այլ գործունեությունների ընթացքում բխող հարաբերությունների ոլորտ.

14) **քարտեզ՝** երկրի մակերևույթի փոքրացված բնական, այլ երկնային մարմինների կամ դրանց մասերի ընդհանրացված պատկերը հարթության վրա, որը համապատասխանում է սույն օրենքով նախատեսված պահանջներին, արտահայտված է որոշակի մասշտաբով և պրոեկցիայով պայմանական նշաններով.

15) **աշխարհագրական տեղեկատվական համակարգ՝** սարքածրագրային տեղեկատվական համակարգ, որը նախատեսված է տարածական տվյալների հավաքագրման, պահպանման, մշակման, վերլուծության, քարտեզագրման, մոդելավորման, կառավարման և տարածման համար:

Հոդված 3. Գեղեցիական և քարտեզագրական աշխատանքները

1. Գեղեցիական և քարտեզագրական աշխատանքներն ըստ իրենց նշանակության դասակարգվում են՝

1) պետական նշանակության աշխատանքների.

2) տեղական նշանակության աշխատանքների:

2. Պետական նշանակության գեղեցիական աշխատանքներն են՝

1) երկրագնդի ձևի և արտաքին ծանրաչափական դաշտի պարամետրերի որոշումը.

- 2) Հայաստանի Հանրապետության տարածքի համար պետական (ազգային) և պլանային ու բարձունքային համակարգերի սահմանումը.
- 3) պետական գեղեցիկական (պլանային, բարձունքային և իրական ժամանակում մշտապես գործող) ցանցի ստեղծումը, թարմացումը և զարգացումը.
- 4) պետական ծանրաչափական ցանցի ստեղծումը և զարգացումը.
- 5) պետական գեղեցինամիկական ցանցի ստեղծումը, թարմացումը և զարգացումը.
- 6) Հայաստանի Հանրապետության պետական սահմանի սահմանագծման (դելիմիտացիա), սահմանազատման (դեմարկացիա) հետ կապված գեղեցիկական աշխատանքները.
- 7) Հայաստանի Հանրապետության վարչատարածքային միավորների սահմանի սահմանագծման (դելիմիտացիա), սահմանազատման (դեմարկացիա) հետ կապված գեղեցիկական աշխատանքները.
- 8) գեղեցիկական գործիքների և սարքավորումների հաշվառումը.
- 9) գեղեցիկական և ծանրաչափական չափումների արդյունքում ստացված նյութերի ու տվյալների ֆոնդերի (տեղեկատվական բանկի) ստեղծումը, պահպանումը, թարմացումը, տեղեկատվության տրամադրումը.
- 10) գեղեցիայի ոլորտին վերաբերող գիտահետազոտական և փորձարարակոնստրուկտորական աշխատանքների կատարումը, այդ ոլորտում ժամանակակից տեխնիկայի և տեխնոլոգիաների ներդրումը.
- 12) գեղեցիկական աշխատանքների նկատմամբ վերահսկողությունը.
- 13) պետական գեղեցիկական ցանցի հիմնակետերի պահպանությունը.
- 14) իրական ժամանակում մշտական գործող պետական ռեֆերենց կայանների ցանցերի զարգացումը, շահագործումը և տվյալների մատակարարումը:
3. Տեղական նշանակության գեղեցիկական աշխատանքներն են՝
- 1) ճյուղային, տարածքային և տեղական ծրագրերի (գեղինամիկա, քաղաքաշինություն, քնության պահպանություն, հանրավայրերի շահագործում, կադաստրային և հողաշինարարական այլ աշխատանքներ) իրականացման հետ

կապված խտացման և հատուկ գեղեցիկական ցանցերի ստեղծումը՝ կոորդինատային տարրեր (տեղական և պայմանական) համակարգերում.

2) խտացման և հատուկ գեղեցիկական ցանցերի կետերի քարտադարանների ստեղծումն ու վարումը:

4. Պետական նշանակության քարտեզագրական աշխատանքներն են՝

1) տեղագրական և կադաստրային քարտեզների, հատակագծերի պետական մասշտարային շարքի սահմանումը.

2) պետական մասշտաբային շարքի տեղագրական, կադաստրային, հատուկ և նավիզացիոն քարտեզների ստեղծումը, դրանց թարմացումը և բազմացումը.

3) Երկրի հեռագննումը և դրա արդյունքում ստացված նյութերի մշակումը, վերծանումը, օդատիեզերական լուսանկարների ֆոտոգրամետրիկ մշակումը քարտեզների ստացման նպատակով.

4) Հայաստանի Հանրապետության պետական սահմանի սահմանագծման, սահմանագատման հետ կապված քարտեզագրական աշխատանքները.

5) Հայաստանի Հանրապետության վարչատարածքային միավորների սահմանների սահմանագծման, սահմանագատման հետ կապված քարտեզագրական աշխատանքները.

6) աշխարհագրական անվանումների պետական գրանցման իրականացումը, աշխարհագրական անվանումների պետական քարտադարանի ստեղծումն ու վարումը, դրանց տվյալների հիման վրա պաշտոնական տեղեկատուների, ընդհանուր և թեմատիկ բառարանների, ցանկերի ստեղծումն ու հրատարակումը.

7) հիմնարար քարտեզագրական ստեղծագործությունների (այդ թվում՝ Հայաստանի Հանրապետության ազգային ատլասի, Աշխարհի մեծ ատլասի, կրթական համակարգի համար ուսումնական և պաշտոնական, թեմատիկ քարտեզների ու ատլասների, տուրիստական ատլասների) ստեղծումը և հրատարակումը.

8) քարտեզագրական աշխատանքների իրականացման համար կիրառվող սարքավորումների հաշվառումը.

9) պետական բազային աշխարհագրական տեղեկատվական համակարգերի ստեղծումը և վարումը.

10) պետական մասշտաբային շարքի քարտեզների, հատակագծերի, տարածական տվյալների և հիմնարար քարտեզագրական ստեղծագործությունների ֆոնդի (տեղեկատվական բանկի) ստեղծումը, պահպանումը, թարմացումը, տեղեկատվության տրամադրումը.

11) քարտեզագրության ոլորտին վերաբերող գիտահետազոտական և փորձարարակոնստրուկտորական աշխատանքների կատարումը, այդ ոլորտում ժամանակակից տեխնիկայի և տեխնոլոգիաների ներդրումը.

12) քարտեզագրական աշխատանքների նկատմամբ վերահսկողությունը.

13) ազգային տարածական տվյալների ենթակառուցվածքի ստեղծում, վարում և փոխսկործելիության ապահովում.

14) պետական կառավարման և տեղական ինքնակառավարման մարմիններին և հասարակությանն անհրաժեշտ տարածական տվյալների ստեղծումը, դրա հասանելիության, մատչելիության, անընդհատության ապահովումը.

15) ազգային տարածական տվյալների և ծառայությունների հասանելիության ապահովումը ազգային գեռապորտալի միջոցով.

16) քարտեզագրության ոլորտում տարածական տվյալների փոխանակման և կառավարման նորմատիվ տեխնիկական փաստաթղթերի նախապատրաստումը.

17) տարածական տվյալների, ծառայությունների օգտագործման և փոխանակման քաղաքականության մշակումը.

18) «Գույքի նկատմամբ իրավունքների պետական գրանցման մասին» օրենքի 12-րդ հոդվածի 1-ին մասի 2-րդ կետով՝ նախատեսված կադաստրային քարտեզի վարումը:

5. Տեղական նշանակության քարտեզագրական աշխատանքներն են՝

1) ճյուղային (ոլորտային), տարածքային և տեղական ծրագրերի իրականացման նպատակով տեղագրական և թեմատիկ հատակագծերի, քարտեզների և ատլասների ստեղծումն ու հրատարակումը.

2) գերատեսչական և տեղական (համայնքային) աշխարհագրական տեղեկատվական համակարգերի, թեմատիկ տարածական տվյալների և թեմատիկ քարտեզագրական շերտերի, ոլորտային տարածական տվյալների ենթակառուցվածքի ստեղծումը և վարումը.

3) կադաստրային քարտեզագրական աշխատանքների իրականացումը:

Հոդված 4. Գեոդեզիական և քարտեզագրական գործունեության սուբյեկտները և օբյեկտները

1. Գեոդեզիական և քարտեզագրական գործունեության սուբյեկտներն են պետական կառավարման, տեղական ինքնակառավարման մարմինները, Հայաստանի Հանրապետության և օտարերկրյա պետությունների քաղաքացիներն ու իրավաբանական անձինք, քաղաքացիություն չունեցող անձինք, միջազգային կազմակերպությունները:

2. Գեոդեզիական և քարտեզագրական գործունեության սուբյեկտները կարող են հանդես գալ որպես գեոդեզիական և քարտեզագրական աշխատանքների պատվիրատուներ, գեոդեզիական և քարտեզագրական գործունեության իրականացումից ստեղծված նյութերի և տարածական տվյալների օգտագործողներ:

3. Գեոդեզիայի և քարտեզագրության օբյեկտներ են Հայաստանի Հանրապետության տարածքը և նրա առանձին մասերը, երկրագնդի մասցած տարածքները և տիեզերքի բնական երկնային մարմինները:

Հոդված 5. Գեոդեզիական և քարտեզագրական գործունեության արդյունքների տեսակները

1. Գեոդեզիական և քարտեզագրական գործունեության արդյունքում ստեղծվում են՝
 - 1) գեոդեզիական և քարտեզագրական նյութեր (տվյալները)
 - 2) գեոդեզիական հիմնակետեր և ցանցեր
 - 3) տարածական տվյալներ

- 4) աշխարհագրական տեղեկատվական համակարգեր
- 5) տարածական տվյալների ենթակառուցվածքներ
- 6) գիտատեխնիկական, փորձագիտական գործունեության արդյունքներ, այդ թվում՝ նորմատիվ իրավական կամ տեխնիկական փաստաթղթեր:

ԳԼՈՒԽ 2

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ, ՊԵՏԱԿԱՆ
ԿԱՌԱՎԱՐՄԱՆ ԵՎ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ
ԻՐԱՎԱՍՈՒԹՅՈՒՆՆԵՐԸ ԳԵՂԴԵԶԻԱՅԻ ԵՎ ՔԱՐՏԵԶԱԳՐՈՒԹՅԱՆ
ԲՆԱԳԱՎԱՌՆԵՐՈՒՄ**

Հոդված 6. Գեղդեզիայի և քարտեզագրության բնագավառում Հայաստանի Հանրապետության կառավարության իրավասությունը

1. Հայաստանի Հանրապետության կառավարությունը՝
 - 1) մշակում, հաստատում կամ իրականացնում է գեղդեզիայի և քարտեզագրության բնագավառում պետական քաղաքականությունը.
 - 2) հաստատում է պետական նշանակության գեղդեզիական և քարտեզագրական, աշխատանքների հայեցակարգերը և ծրագրերը.
 - 3) սահմանում է կոռորդինատային, բարձունքային, ծանրաչափական չափումների միասնական պետական համակարգերը, պետական տեղագրական քարտեզների և հատակագծերի մասշտաբին շարքերը.
 - 4) սահմանում է պետական քարտեզագրագեղդեզիական ֆոնդի ստեղծման, պահպանման և տեղեկատվության տրամադրման կարգը:

Հոդված 7. Գեղդեզիայի և քարտեզագրության բնագավառում լիազոր պետական կառավարման մարմնի իրավասությունները

1. Գեղդեզիայի և քարտեզագրության գործունեության բնագավառի պետական կառավարման լիազոր մարմինը Կադաստրի կոմիտեն է (այսուհետ՝ Կոմիտե), որը

- 1) ապահովում է գեղեցիայի և քարտեզագրության բնագավառում պետական կառավարման իրականացումը.
- 2) իրականացնում է գեղեցիայի և քարտեզագրության բնագավառի վերաբերյալ նորմատիվ տեխնիկական փաստաթղթերի մշակման աշխատանքները.
- 3) կարող է իրականացնել պետական նշանակության գեղեցիական և քարտեզագրական աշխատանքների հայեցակարգերի և Հայաստանի Հանրապետության օրենքներով իրեն վերապահված մասով ծրագրերի մշակում.
- 4) իրականացնում է Հայաստանի Հանրապետության և Երկրագնդի մնացած տարածքների գեղեցիական, տեղագրական քարտեզագրական, տարածական տվյալների բանկի կառավարումը.
- 5) սահմանված կարգով գեղեցիական և քարտեզագրական գործունեության սուբյեկտներին ամբողջական տեղեկություններ է տրամադրում իրենց առնչվող տարածքների գեղեցիական և քարտեզագրական ուսումնասիրվածության մասին.
- 6) կարող է հանդես գալ որպես Հայաստանի Հանրապետության սահմաններում պետական նշանակության գեղեցիական և քարտեզագրական աշխատանքների պատվիրատու.
- 7) իրականացնում է Հայաստանի Հանրապետության տարածքի գեղեցիական հիմնակետերի և վարչատարածքային միավորների սահմանանշերի հաշվառման աշխատանքները.
- 8) իր լիազորությունների շրջանակներում կարող է իրականացնել պետական նշանակության գեղեցիական և քարտեզագրական աշխատանքներ.
- 9) վարում է «Գույքի նկատմամբ իրավունքների պետական գրանցման մասին» օրենքի 12-րդ հոդվածի 1-ին մասի 2-րդ կետով նախատեսված կադաստրային քարտեզը.
- 10) աջակցում է սույն օրենքի 15-րդ հոդվածում նախատեսված աշխատանքներին.
- 11) հաստատում և տրամադրում է քարտեզների պայմանական նշանները:

Հոդված 8. Գեղեցիայի և քարտեզագրության բնագավառում պետական կառավարման այլ մարմինների իրավասությունները

1.Պետական կառավարման մարմինը՝

1) իրականացնում է ճյուղային (ոլորտային) և տարածքային ծրագրերի իրագործման նպատակով տեղական նշանակության գեղեցիական և քարտեզագրական աշխատանքները.

2) իրականացնում է ճյուղային (ոլորտային) և տարածքային ծրագրերի իրագործումից ստեղծված խտացման և հատուկ ցանցերի կետերի քարտադարանների ֆոնդերի ստեղծումն ու վարումը.

3) իրականացնում է ճյուղային (ոլորտային) և տարածքային ծրագրերի իրագործումից ստեղծված տեղագրական և թեմատիկ հատակագծերի, քարտեզների և ատլասների ֆոնդերի ստեղծումն ու վարումը.

4) իրականացնում է տվյալ պետական կառավարման մարմնի տնօրինության տակ գտնվող տարածքներում տեղադրված գեղեցիական կետերի և վարչատարածքային միավորների սահմանանիշերի պահպանումը.

5) իրենց իրավասության սահմաններում իրականացնում են Հայաստանի Հանրապետության անվտանգային հարցերին, պետական սահմաններին վերաբերող գեղեցիական, քարտեզագրական աշխատանքներ:

Հոդված 9. Գեղեցիական և քարտեզագրական գործունեության բնագավառում տեղական ինքնակառավարման մարմինների իրավասությունները

1. Գեղեցիական և քարտեզագրական գործունեության բնագավառում համայնքի ղեկավարը՝

1) իրականացնում է տեղական ծրագրերի իրագործման նպատակով տեղական նշանակության գեղեցիական և քարտեզագրական աշխատանքները.

2) իրականացնում է տեղական ծրագրերի իրագործումից ստեղծված խտացման և հատուկ ցանցերի կետերի քարտադարանների ֆոնդերի ստեղծումն ու վարումը.

3) իրականացնում է տեղական ծրագրերի իրագործումից ստեղծված տեղագրական և թեմատիկ հատակագծերի, քարտեզների և ատլասների ֆոնդերի ստեղծումն ու վարումը.

4) ապահովում է համայնքի տարածքում պետական գեոդեզիական ցանցի կետերի և վարչատարածքային միավորների սահմանափակերի պահպանության աշխատանքները:

ԳԼՈՒԽ 3.

ԳԵՂԴԵԶԻԱԿԱՆ և ՔԱՐՏԵԶԱԳՐԱԿԱՆ ԳՈՐԾՈՒՆԵՈՒԹՅԱՆ ԿԱՐԳՎԱՎՈՐՈՒՄԸ

Հոդված 10. Գեոդեզիական և քարտեզագրական գործունեության կարգավորման նորմատիվ իրավական ակտերի համակարգը, նորմատիվ տեխնիկական և գեոդեզիական ու քարտեզագրական ծրագրային փաստաթղթերը

1. Գեոդեզիական և քարտեզագրական գործունեությունը և դրա հետ կապված հարաբերությունները կարգավորող նորմատիվ իրավական ակտերի համակարգը բաղկացած է սույն օրենքից, այլ օրենքներից և նորմատիվ իրավական այլ ակտերից:

2. Գեոդեզիական և քարտեզագրական գործունեության բնագավառում նորմատիվ տեխնիկական փաստաթղթերի համակարգը գեոդեզիական և քարտեզագրական գործունեության պետական կարգավորման միջոց է, որը սահմանում է այդ աշխատանքների նկատմամբ ներկայացվող տեխնիկական պահանջները, նորմերը և ստանդարտները:

3. Նորմատիվ տեխնիկական փաստաթղթերը հաստատում է Կոմիտեն: Այդ փաստաթղթերի պահանջների կատարումը պարտադիր է գեոդեզիական և քարտեզագրական աշխատանքներ իրականացնող բոլոր սուբյեկտների համար:

4. Գեոդեզիական և քարտեզագրական ծրագրային փաստաթղթերը գեոդեզիական և քարտեզագրական գործունեության պետական կարգավորման միջոց են:

5. Գեղեցիական և քարտեզագրական ծրագրային փաստաթուղթեր են՝

1) պետական նշանակության գեղեցիական և քարտեզագրական աշխատանքների հայեցակարգերը և ծրագրերը.

2) գեղեցիական և քարտեզագրական աշխատանքների տեխնիկական նախագծերը և տեխնիկական հաշվետվությունները:

Հոդված 11. Գեղեցիական և քարտեզագրական գործիքների հաշվառման կարգի սահմանումը

1. Գեղեցիական և քարտեզագրական գործիքների և սարքավորումների հաշվառման կարգը սահմանում է Կոմիտեն:

Հոդված 12. Գեղեցիական և քարտեզագրական գործունեության ֆինանսավորումը

1. Պետական կարիքների համար իրականացվող գեղեցիական և քարտեզագրական գործունեության ֆինանսավորումն իրականացվում է Հայաստանի Հանրապետության պետական բյուջեի միջոցների և օրենքով չարգելված այլ միջոցների հաշվին՝ պետական և տեղական նշանակության գեղեցիական և քարտեզագրական աշխատանքների հաստատված ծրագրերի հիման վրա:

2. Այլ նպատակների համար իրագործվող գեղեցիական և քարտեզագրական գործունեությունը ֆինանսավորվում է գեղեցիական և քարտեզագրական աշխատանքների պատվիրատու հանդիսացող ֆիզիկական և իրավաբանական անձանց միջոցների հաշվին:

3. Համայնքային ծրագրերի իրականացման նպատակով տեղական նշանակության գեղեցիական և քարտեզագրական աշխատանքների ֆինանսավորումն իրականացվում է համայնքային բյուջեի միջոցների հաշվին:

4. Պետական բյուջեի միջոցների հաշվին ֆինանսավորվող գեղեցիական և քարտեզագրական աշխատանքների պատվիրատու կամ կատարող հանդիսացող գեղեցիական և քարտեզագրական գործունեության սուբյեկտները պարտադիր

կարգով պետք է օգտագործեն նախկինում ստեղծված գեղեցիկական և քարտեզագրական նյութերն ու տարածական տվյալները, եթե դրանք բավարարում են տվյալ աշխատանքների համար սահմանված նորմատիվ պահանջները:

5. Պետական բյուջեի միջոցների հաշվին ֆինանսավորվող գեղեցիկական և քարտեզագրական աշխատանքների պատվիրատու հանդիսացող գեղեցիկական և քարտեզագրական գործունեության սուբյեկտները պարտադիր կարգով պետք է պահանջվող աշխատանքների տեխնիկական առաջադրանքը ներկայացնեն պետական լիազոր մարմնի դիրքորոշմանը՝ բացառությամբ Հայաստանի Հանրապետության անվտանգային և սահմանային հարցերին վերաբերող, ինչպես նաև գիտական կամ կրթական աշխատանքների:

6. Պետական նշանակության գեղեցիկական և քարտեզագրական նյութերի և տարածական տվյալների առկայության, տարածքների ուսումնասիրվածության վերաբերյալ տեղեկատվությունը տրամադրում է Կոմիտեն:

Հոդված 13. Գեղեցիկական և քարտեզագրական գործունեության պետական վերահսկողությունը

1. Գեղեցիկական և քարտեզագրական գործունեության պետական տեսչական վերահսկողությունն իրականացնում է գեղեցիկական և քարտեզագրական աշխատանքների ոլորտում վերահսկողություն իրականացնող տեսչական մարմինը (այսուհետ՝ տեսչական մարմին):

2. Գեղեցիկական և քարտեզագրական գործունեության պետական տեսչական խնդիրներն են՝

1) գեղեցիկական և քարտեզագրական գործունեության բոլոր սուբյեկտների կողմից գեղեցիկայի և քարտեզագրության բնագավառում իրավական ակտերի և նորմատիվ տեխնիկական փաստաթղթերի պահանջների պահպանման վերահսկողությունը.

2) Հայաստանի Հանրապետության տարածքի գեղեցիկական կետերի և վարչատարածքային միավորների սահմանանիշերի հաշվառման, պարբերաբար

հետազոտման և դրանց պահպանմանն ուղղված միջոցառումների վերահսկողությունը.

3) գեոդեզիական աշխատանքների չափաբանական ապահովման, սերտիֆիկացման և ստանդարտների պահպանման նկատմամբ վերահսկողությունը.

4) Հայաստանի Հանրապետության պետական սահմանի և վարչատարածքային միավորների սահմանագծման և սահմանագատման աշխատանքների նկատմամբ վերահսկողությունը.

5) քարտեզների և հատակագծերի վրա աշխարհագրական անվանումների ճիշտ արտահայտման նկատմամբ վերահսկողությունը.

6) պետական և տեղական նշանակության (գերատեսչական) քարտեզագրագեոդեզիական ֆոնդերի պահպանման, նյութերի և տվյալների բազմացման ու օգտագործման, տեղեկատվության տրամադրման նկատմամբ վերահսկողությունը.

7) պետական և տեղական նշանակության գեոդեզիական և քարտեզագրական աշխատանքների իրականացման նկատմամբ վերահսկողությունը:

3. Տեսչական մարմինն իրավունք ունի՝¹

1) գեոդեզիական և քարտեզագրական գործունեության սուրյեկտներից տեղեկատվություն ստանալ սույն օրենքով նախատեսված գործառույթների իրագործման համար, ինչպես նաև ծանոթանալ գեոդեզիայի և քարտեզագրության բնագավառին վերաբերող անհրաժեշտ այլ փաստաթղթերի հետ,

2) դադարեցնելու պետական նշանակության գեոդեզիական և քարտեզագրական աշխատանքների կատարումը, եթե դրանք իրականացվում են առանց համապատասխան թույլտվության կամ նորմատիվային փաստաթղթերի պահանջների խախտմամբ, կազմել համապատասխան ակտեր, ներկայացնել առաջարկություն տեղագրական քարտեզագրման և հողաշինարարական աշխատանքների իրականացման որակավորված գործունեության դադարեցման կամ կասեցման վերաբերյալ,

3) գեոդեզիական և քարտեզագրական աշխատանքներով գրաղվող որակավորված ֆիզիկական և իրավաբանական անձանց տալու աշխատանքների կատարման կարգի և կիրառվող տեխնոլոգիայի, ինչպես նաև այդ աշխատանքների արդյունքում ստացված տվյալների ու նյութերի հավաքման, հաշվառման, պահպանման, բազմացման և օգտագործման, թերությունների վերացման վերաբերյալ անհրաժեշտ ցուցումներ:

4. Գեոդեզիական և քարտեզագրական գործունեության վերահսկողության առանձնահատկությունները սահմանվում է օրենքով:

Հոդված 14. Գեոդեզիական և քարտեզագրական գործունեության բնագավառի պետական և ծառայողական գաղտնիքի կապակցությամբ ծագող հարաբերությունները

1. Գեոդեզիական և քարտեզագրական գործունեության բնագավառի տեղեկությունները պետական և ծառայողական գաղտնիքի շարքին դասելու, դրանք պահպանելու (պաշտպանելու), գաղտնագերծելու, օգտագործելու իրավական հիմքերը, գեոդեզիական և քարտեզագրական գործունեության սուբյեկտների իրավունքները, պարտականությունները և լիազորությունները կարգավորվում են «Պետական և ծառայողական գաղտնիքի մասին» օրենքով:

Հոդված 15. Գեոդեզիական և քարտեզագրական գործունեության իրականացումը Հայաստանի Հանրապետության պաշտպանության և անվտանգության ապահովման նպատակներով

1. Գեոդեզիական և քարտեզագրական գործունեության իրականացումը Հայաստանի Հանրապետության պաշտպանության և անվտանգության ապահովման նպատակներով իրագործում են պաշտպանության կամ անվտանգության բնագավառների պետական լիազորված մարմինները:

2. Պաշտպանության կամ անվտանգության բնագավառների պետական լիազորված մարմինների միջնորդության առկայության դեպքում պետական կառավարման և

տեղական ինքնակառավարման մարմիններն իրենց իրավասության սահմաններում աջակցում են սույն հոդվածի 1-ին մասում նշված աշխատանքներին:

Հոդված 16. Պետական գեոդեզիական և մշտական գործող պետական ռեֆերենց կայանների ցանցերի կետերի պահպանությունը

1. Պետական գեոդեզիական (պլանային, բարձունքային և իրական ժամանակում մշտապես գործող) ցանցերի և ծանրաչափական ցանցերի կետերը, այդ կետերի վերգետնյա նշանները և կենտրոնները (այսուհետ՝ գեոդեզիական կետեր) համարվում են պետական սեփականություն:

2. Գեոդեզիական և իրական ժամանակում մշտապես գործող կետերի արտաքին նշանների քանդումը կամ կենտրոնների վերահիմնումը կատարվում է միայն Կոմիտեի թույլտվությամբ:

3. Գեոդեզիական և իրական ժամանակում մշտապես գործող կետերի ստեղծման, պահպանման և սպասարկման խնդիրները կանոնակարգվում են Հայաստանի Հանրապետության քաղաքացիական օրենսգրքով և այլ իրավական ակտերով:

4. Գեոդեզիական և իրական ժամանակում մշտապես գործող կետերի պահպանությունը համայնքի վարչական սահմաններում իրականացնում է համայնքի ղեկավարը, ով պարտավոր է Կոմիտեին տեղյակ պահել գեոդեզիական կետերի ոչնչացման կամ վնասման բոլոր դեպքերի մասին:

5. Գեոդեզիական կետերի պահպանության կարգը հաստատում է Հայաստանի Հանրապետության կառավարությունը:

6. Պետական ռեֆերենց կայանների ցանցի միջոցով ծառայություններ մատուցում է քացառապես Կոմիտեն՝ «Տարածական տվյալների մասին» Հայաստանի Հանրապետության օրենքի 19-րդ հոդվածի 1-ին մասի 17-րդ կետով սահմանված վճարի դիմաց:

7. Ռեֆերենց կայանների ցանցի միջոցով ծառայությունների մատուցումը այլ սուրբեկանություն կողմից արգելվում է:

ԳԼՈՒԽ 4

**ԳԵՂԴԵԶԻԱԿԱՆ ԵՎ ՔԱՐՏԵԶԱԳՐԱԿԱՆ ԳՈՐԾՈՒՆԵՈՒԹՅԱՆ ՀԵՏ
ԿԱՊՎԱԾ ՎԵՃԵՐԻ ԼՈՒԾՈՒՄԸ ԵՎ ՊԱՏԱՍԽԱՆԱՏՎՈՒԹՅՈՒՆԸ ՍՈՒՅՆ
ՕՐԵՆՔԸ ԽԱԽՏԵԼՈՒ ՀԱՄԱՐ**

**Հոդված 17. Գեղդեզիական և քարտեզագրական գործունեության հետ կապված
վեճերի լուծումը**

1. Գեղդեզիական և քարտեզագրական գործունեության հետ կապված վեճերը
լուծվում են դատական կարգով:

Հոդված 18. Պատասխանատվությունը սույն օրենքը խախտելու համար

1. Սույն օրենքը խախտելու համար գեղդեզիական և քարտեզագրական
գործունեության սուբյեկտները կրում են պատասխանատվություն՝ Հայաստանի
Հանրապետության օրենսդրությամբ սահմանված կարգով:

**Հոդված 19. Սույն օրենքը խախտելու հետևանքով պատճառված վնասների
հատուցումը**

1. Սույն օրենքի խախտման հետևանքով վնաս պատճառած իրավաբանական և
ֆիզիկական անձինք կրում են պատասխանատվություն՝ Հայաստանի
Հանրապետության օրենսդրությամբ սահմանված կարգով:

2. Գեղդեզիական և քարտեզագրական գործունեության հետևանքով
իրավաբանական և ֆիզիկական անձանց պատճառած վնասը հատուցում է վնասը
հասցրած անձը՝ Հայաստանի Հանրապետության օրենսդրությամբ սահմանված
կարգով:

ԳԼՈՒԽ 5

**ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆԸ ԳԵՂԴԵԶԻԱՅԻ և
ՔԱՐՏԵԶԱԳՐՈՒԹՅԱՆ ԲՆԱԳԱՎԱՌՆԵՐՈՒՄ**

Հոդված 20. Միջազգային համագործակցությունը գեղդեզիայի և քարտեզագրության բնագավառներում

1. Գեղդեզիայի և քարտեզագրության բնագավառում միջազգային համագործակցությունն իրականացվում է սույն օրենքին, Հայաստանի Հանրապետության օրենսդրությանը և Հայաստանի Հանրապետության միջազգային պայմանագրերին համապատասխան:
2. Օտարերկրյա քաղաքացիների, քաղաքացիություն չունեցող անձանց և օտարերկրյա իրավաբանական անձանց, միջազգային կազմակերպությունների՝ գեղդեզիայի և քարտեզագրության բնագավառում գործունեությունը Հայաստանի Հանրապետության տարածքում կարգավորվում է սույն օրենքով, այլ իրավական ակտերով, ինչպես նաև Հայաստանի Հանրապետության միջազգային պայմանագրերով:
3. Եթե Հայաստանի Հանրապետության միջազգային պայմանագրերով սահմանվում են այլ նորմեր, որոնք նախատեսված չեն սույն օրենքով, ապա կիրառվում են միջազգային պայմանագրերի նորմերը:

ԳԼՈՒԽ 6

Հոդված 21. Եզրափակիչ մաս և անցումային դրույթներ

1. Սույն օրենքն ուժի մեջ է մտնում պաշտոնական հրապարակմանը հաջորդող տասերորդ օրը:
2. Ուժը կորցրած ճանաչել «Գեղդեզիայի, քարտեզագրության և տարածական տվյալների ենթակառուցվածքի մասին» 2001 թվականի մայիսի 2-ի ՀՕ-179 օրենքը:

